



- kldeb:** (*kld`eb*)
kldeb a kldebengel; kedeb.
- kldebengel:** (*kldebeng`el*)
kldebengel a kldeb er ngii el chad.
- kldei:** (*kld`ei*)
klei a ochur el edei (3); kldei el blai; kldei el lius; kldei el malk.
- kldekudel:** (*kldek`udel*) (2)
kldekudel a dakd; kldekudel er a blil achedeng; mekomad a kdekudel el tekoi; kengaol a oterul a mekngit el kar; kldekdelel.
- kldekudel:** (*kldek`udel*) (1)
kldekudel a omengull;
omelengmes, kldekudel er a ilteet; meteet a kuoll, kldekdelel a ilteet.
- kldelebungel:** (*kldeleb`ungel*)
kldelebungel a kldelebuu er ngii el chad; kedelebuu.
- kldelebuu:** (*kldeleb`uu*)
kldelebuu a kedelebuu; diak le mesengaked; kedelebuu a obereod; kldelebungel a uchul e ng mesaik
- kldelsel:** (*klfels`el*)
klfelsel er ngii el buuch; kedols.
- kldemel:** (*klfem`el*)
klfemel a klfem er ngii er a urreor; olengeseu er ngii.
- klderaol:** (*klfer`aol*) (1)
klderaol a ulak, mlil a omerael a klderaol er a cheldukl; koderolii, koderaol a mlai er a klfemedaol; kederolel.
- klderaol:** (*klfer`aol*) (2)
klderaol a Rubakldil el klderolel a klobak; Bilung a klderolel a lbedul, Ebilreklai a klderolel a Reklai.
- klderolel:** (*klfer`olel*)
klderolel a klderaol er ngii.
- kldeu:** (*kld`eu*)
kldeu a teruich (10) e chimong; teruich el sualo el kukau a chimo el kldeu.
- kldebil:** (*kld`ibe*)
kldebil a kldeb; cheldull; chelludel.
- klldidai:** (*klldid`ai*)
klldidai a klldidiul; klldidai er ngii el ked; telongakl er ngii.
- klldidaireng:** (*klldidair`eng*)
klldidaireng a klldidai a rengul; ngar er a bab el reng, klldidai el reng a omuchel a rokui el mekngit, klldidiul.
- klldidiul:** (*klldidi`ul*)
klldidiul a klldidai er ngii.
- klldiull:** (*klldi`ull*)
klldiull a dioll, kot el klldiull a ngar er ngii a kerremelel; chad el ulechar el osiik a rokui el ungil kall el kelel a dioll.
- klldmel:** (*klldm`el*)
klldmel a klldm er ngii, ungil a klldmel a ungil a medal, klldmechur.
- klldmokl:** (*klldm`okl*)
klldmokl a mla mekedmokl; rruul el kmal ungil; kudmeklii a ngalek, kudmokl a kall, remuul.
- klldngil:** (*klldng`il*)
klldngil a klldung er ngii; kedung.
- klldoel:** (*klld`oel*)
klldoel a klded; medechel, delik, ollumel a klldoel er a tebel, klfemidii, kedel.
- klldoked:** (*klld`oked*)
klldoked a mla mekedoked; nglai a semesemel, kodekedii, kodoked a ouak, kedekedel.
- klldols:** (*klld`ols*)
klldols a kllungel; klldelsel, klldols er a udoud el klldait; kedols.
- klldomel:** (*klldom`el*)
klldomel a ouklfedem; ngar ngii a klldemel; chad el olengeseu er ngii; kauklfedem.
- klldung:** (*klld`ung*)
klldung a kedung; ungil a omerrellel; bekongesenges a llach; mengull a tekoi.
- kleai:** (*kle`ai*)
kleai a eai el ochur (8), kleai el malk, kleai el blai; kleai el babii.





kleald

kleald: (*kle`ald*)

kleald a mla mekeald; ralm a kleald, klengoes a kleald, kmeldii, koeald, kmeald, diak le mekelekolt; keldel.

kleam: (*kle`am*)

kleam a metau el lius; direkak el dubech.

klebau: (*kleb`au*)

klebau a ta er a bedengel a kerrekar.

klebechel: (*kleb`echel*)

klebechel a selebech, ungil el ildois; klebechel el kall er a mechesang a ungil el diak a mo cheitel er ngii.

klebekakl: (*klebek`akl*)

klebekakl a ruul el kebekakl; kekebekakl; diak lobereod; diak le meringel el mechol.

klebekeklel: (*klebekekl`el*)

klebekeklel a klebekakl er ngii; kebekakl.

klebekelel: (*klebekel`el*)

klebekelel a klibokel er ngii; klibokel, klebekelel a beluu a ungil er a ues.

klebekoll: (*klebek`oll*)

klebekoll a rechad el mlechell er a osisiu el rak me a lechub e te kaiuekeed a meklungir; telbedebodes el chad.

klebelau: (*klebel`au*)

klebelau a teletael er a Belau; rechad er a Belau.

klebelngul: (*klebelng`ul*)

klebelngul a klebelung er ngii; rrau a rengul; telitur er ngii, kebelung.

klebelung: (*klebel`ung*)

klebelung a kebelung, telitur;ngelsonges er a uldasu; diak el meduch.

klebesei: (*klebes`ei*) (1)

klebesei a ngeltel a sils el mo lmuut er a ngesechel a sils, milkolk.

klebesei: (*klebes`ei*) (2)

klebesei a sils er a buil; okedei el klebesei a ta el buil.

klebikl: (*kleb`ikl*)

klebikl a klabs.

klebiskang: (*klebisk`ang*)

klebiskang a teluo medal e nglemoel el biskang.

klebkab: (*klebk`ab*)

klebkab a mla mekebkab; ngar ngii a kebkab, merechorech a klebkab a chimal.

klebkall: (*klebk`all*)

klebkall a kebkall; kebekuul a klebkall, chedolel a ilteet; meteet a olab a klebkall, chengal a ilteet; klebkellel.

klebkellel: (*klebkell`el*)

klebkellel a klebkall er ngii; kebkall.

klebliil: (*klebl`iil*)

klebliil a betok el kebliil.

kleblillel: (*kleblill`el*)

kleblillel a kebliil er ngii.

klebngel: (*klebng`el*)

klebngel a telngetngelel el kukau.

klebokel: (*kleb`okel*)

klebokel a klibokel, meringelechad, ungil er a ues a klebokel.

klebuik: (*kleb`uik*)

klebuik a klengeasek el sechal; bikel a Oreor, ngeasek, klebuik er tir er a Oreor.

klebungel: (*kleb`ungel*)

klebungel a selab er ngii; blengechel; mesab, sobngii.

klechad: (*klech`ad*)

klechad a cherrengel a chad; klengar; ungil klechad a mlukeroul er a chelleoch.


klechedam: (*kleched`am*)

klechedam a kldemaol; chedam.

klechedaol: (*kleched`aol*)


klechedaol a beluu me a rechedal el mokedong; mekemedaol, Beliliou a mle klechedolel a Ngeraard.





- klechedil:** (*kleched`il*)
klechedil a kldelaol, chedil.
- klechedolel:** (*klechedol`el*)
klechedolel a klechedaol er ngii.
- klechelid:** (*klechel`id*)
klechelid a tekoi er a chelid;
meang, klemeang.
- klechibelau:** (*klecnibel`au*)
klechibelau a klechad er a Belau;
rechad er a Belau.
- klechubechub:** (*klechubech`ub*)
klechubechub a omengubechub;
melatk; bekokuui; mengebechub a
rechad; chubechubechad.
- klechukl:** (*klech`ukl*)
klechukl a mla mesuches; tengto
a seluches, dechor, suchesii,
smuches a baiong; sechesel.
- klechutem:** (*klech`utem*)
klechutem a chutembeluu; diak le
chelechol me a diak el ilachetomel.
- kled:** (*kl`ed*) (3)
kled a beruadel, madelkled a
medal a ungil a rengul; madelkled
a klebokel el meloik.
- kled:** (*kl`ed*) (1)
kled a kldoel; menged, babier kled
er a bebul a tebel.
- kled:** (*kl`ed*) (2)
kled a mla medobech; delobech a
rechelel a kerrekar.
- kledaes:** (*kled`aes*)
kledaes a deledaes; mla mededaes;
diak le cheliseksikd; kledesel
- kledem:** (*kl`edem*)
kledem a kldemel; olengeseu er
ngii; tukeklii, kaukledem, ngoseuir.
- kleim:** (*kle`im*)
kleim a ochur el eim (5); kleim el
lius, kleim el bduu, kleim el blai.
- klekad:** (*klek`ad*) (1)
klekad a mekekad; klekekedeel a
buld; omsebisech.
- klekad:** (*klek`ad*) (2)
klekad a mla mekekad; mla
mengkad a blals, kokad a belsel,
kokedeiir, kekedeel.
- klekad:** (*klek`ad*) (3)
klekad a mekekad; klekad a
duubech er a deleongel er a sechal
me a redil; ngibes er a klausau,
nglebokel er a omengemull; klekedeel.
- klekakerous:** (*klekaker`ous*)
klekakerous a kakerous;
kakengodech, klekakengodech er
ngii; diak losisiu.
- klekar:** (*klek`ar*)
klekar a mengkar; bulis a klekar er
a kelebus; omes e omtebechel er
ngii; kokerengii, kokar, kekerengel.
- klekas:** (*klek`as*)
klekas a mla mekekas; kukesur,
mengkas a ochil el mekekad,
kokas, kekesul a ouach.
- klekebil:** (*klekeb`il*)
klekebil a klengeasek er a ekebil;
klekebil a meseked er a beluu er a
Oreor el ourreor.
- klekedall:** (*kleked`all*)
klekedall a klalo el usebechall;
klekedall er a blai a kerrekar me a
smengt me a deel me a beached;
klekedellel.
- klekedellel:** (*klekedell`el*)
klekedellel a klekedall er ngii.
- klekekedebe:** (*klekekede`eb*)
klekekedebe a kldeb er ngii; kedeb;
diak lekemanget.
- klekekedeel:** (*klekekede`eel*)
klekekedeel a klekad er ngii; mekekad.
- klekekedel:** (*klekekede`el*)
klekekedel a kekedel;
meketeketang; klekekedel er a
kungiil.
- klekekemanget:** (*klekekem`anget*)
klekekemanget a klemangat;
klemangel; diak lekedeb.
- klekekerei:** (*klekeker`ei*)
klekekerei a klekekeringil;
klengalek, tetengemud; kekerei.
- klekekeringil:** (*klekekering`il*)
klekekeringil a klekekerei er ngii;
ng soak a udoud er a Belau el
klekekeringil e ng kldait.





klekerengel

klekerengel: (*klekereng`el*)

klekerengel a mengkerengel;
tebechelel a klalo er a kebliil;
chad el mengkar.

klekidel: (*klek`idel*)

klekidel a selakd; mla mesakd a
bambuu klekidel, sokdii, smakd a
brrer, sekdel.

kleklel: (*klekl`el*)

kleklel a klukl er ngii; oklukl.

klekodek: (*klek`odek*)

klekodek a selekosek; babii a
klekodek, blodk, nglai a ngisel,
mla mesekosek.

klekolel: (*klekol`el*)

klekolel a klekool er ngii;
ousekool.

klekool: (*klek`ool*)

klekool a omduu, omtar, rurt,
omilil, klaiberebart a klekool,
omeloik, outumetum, ouiakiu a
klekool.

klekosek: (*klek`osek*)

klekosek a klekodek; selekosek

kleldelel: (*kleldel`el*)

kleldelel a kleald er ngii;
mekeald.

klemanget: (*klem`anget*)

klemanget a klemengetel;
klemangel.

klemat: (*klem`at*) (1)

klemat a ekil ngar er a kemtai el
mo er a ears el oba rretel, klisichel
a becall.

klemat: (*klem`at*) (2)

klemat a omerreder; bdelul a beluu
a oba klemat er a beluu; merreder
a oba klemtengel a urreor.

klemat: (*klem`at*) (3)

klemat a ta er a teletelel a
klomengelungel; di ngii el ta me
lechub e te terung el di tir el mo er
a bai el mo mengol; diak le
blolobel.

klemeau: (*kleme`au*)

klemeau a klengeasek; klebuik,
ngeasek.

klemed: (*kl`emed*)

klemed a mla mekemed;
mengemed a mechut; merasm a
selodel el bail, komedii, kuemed a
bail, kemedel.

klemedaol: (*klemed`aol*)

klemedaol a medal a diangel el
osiseball e otebadel a mlai er ngii.

klemedengei: (*klemedeng`ei*)

klemedengei a klaodengei; ngar
ngii a klemedengei er kau er a
omerael?

klemengetel: (*klemenget`el*)

klemengetel a klemanget er ngii.

klemerang: (*klemer`ang*)

klemerang a mera el tekoi; diak le
blulak, kirel el medung a
klemerang.

klemeriar: (*klemeri`ar*)

klemeriar a semeriar; deurreng,
sau, sorir a klekool,
semeremeriang.

klemim: (*klem`im*)

klemim a kengmil; mekemim er
ngii, klemim er a kall me a ilumel
a ungil er a bedenged.

klemngel: (*klemng`el*)

klemngel a kokom er ngii,
klemngel a chemang; kokemngel
a rekung.

klemodel: (*klem`odel*)

klemodel a klemed; klemodel a
medal a mad el chisiabal.

klemtengel: (*klemteng`el*)

klemtengel a klemat er ngii.

klemuu: (*klem`uu*)

klemuu a mla mekemuu;
komungii a bdelul, mengemuu;
telamk a chiul.


klengabel: (*kleng`abel*)

klengabel a kerrekar me a lild el
delorem; bambuu a selang; songar,
smang, sers er a blai a klengabel.

klengaked: (*kleng`aked*)

klengaked a selengaked;
mesengaked, selengkedel; diak le
kedelebuu; chetngaid, kltngaid.





- klengalek:** (*kleng`alek*)
klengalek a ngalek; reng el ngalek me ng sekebdebid.
- klengar:** (*kleng`ar*)
klengar a ngar; ngar er ngii a telil; outeliil a chad; klengar a okedeldaol, kemanget a klengar er ngii.
- klengeasek:** (*klenge`asek*)
klengeasek a ngeasek; klengalek; klengeasek er a chad a okedeldaol.
- klengel:** (*kleng`el*)
klengel a kleu er ngii.
- klengelakel:** (*klengel`akel*)
klengelakel a klaungalek, oungalek.
- klengeltengat:** (*klengelteng`at*)
klengeltengat a ngeltengat; lusech, melusech; klungiaol, klengeltengat me a Belau a mlo ileakl el beluu.
- klengeltengeteel:** (*klengeltenget`eel*)
klengeltengeteel a lusech er ngii; klengeltengat er gii.
- klengerenger:** (*klengereng`er*)
klengerenger a sengerenger; klou a klengerenger er a bebil er a beluu.
- klengerengerel:** (*klengerenger`el*)
klengerengerel a sengerengerel; diak le blengur a songerenger.
- klengit:** (*kleng`it*)
klengit a mekngit el omeruul; kngtil a tekoi; temellel a llach.
- klengitelreng:** (*klengitelr`eng*)
klengitelreng a mekngit a rengul; diak el ungil a rengul; kerrior a omuchel a klengitelreng; ringel me a chelebuul a uchul a klengitelreng.
- klengkedel:** (*klengked`el*)
klengkedel a cheltngaid; klengaked er ngii; mesengaked.
- klengoes:** (*kleng`oes*)
klengoes a ulekmark el odoim; mla mesengoes a klengoes, smongoes, melengoes, sengosel.
- kler:** (*kl`er*)
kler a mla meker; mla korir, mla kmer a tekoi, keril a secher.
- klerdeu:** (*klerd`eu*) (1)
klerdeu a ta er a bedengel a kluk er a Belau.
- klerdeu:** (*klerd`eu*) (2)
klerdeu a ta er a bedengel a ngikel.
- klertall:** (*klert`all*)
klertall a klsemramr; mla mekertall; telabd er a kuk; ngalek a klertall er a katuu; kortellii a medal, kortall, kertellel.
- klertellel:** (*klertell`el*)
klertellel a klertall er ngii.
- kles:** (*kl`es*) (1)
kles a mla mekes; lius a kles; menges, kosir, kmes a lius, kesil.
- kles:** (*kl`es*) (2)
kles a kall er a klechedaol; kmes a kelir a rengalek er a skuul, kosir a kles, kesil.
- kleu:** (*kl`eu*)
kleu a rdechel a lius el mengerengur; kekerei er a ngebekebokel.
- kleuid:** (*kleu`id*)
kleuid a ochur el euid (7), kleuid el babii, kleuid el chemang, kleuid el beluu.
- kleuidel:** (*kleu`idel*)
kleuidel a telenget; mla mekaud; klaud, kleuidel a ralm, omerael a kleuidel er a eolt; koudii a ralm, kmaud, mengaud, kudel.
- kliai:** (*kli`ai*)
kliai a mla mekiai; mengellael; di telkib el cheroid er a chutem a ochil; kiei el kliai a ochil er a ulaol.
- kliangel:** (*kli`angel*)
kliangel a tekoi el kirel a deurreng; ngloik me a chelitakl a tekingel a kliangel; klebokel el meloik e kladikm er a ngellakel a chad er a kliangel.
- klideb:** (*kl`ideb*)
klideb a kldibel; cheldull.
- klider:** (*kl`ider*)
klider a mla mekider; ngar er a bab; diak le kldoel, kiderii, kmider, klider a delechik a suebek a renguk, kderel.





klidet

klidet: (*kl`idet*)

klidet mla mekidet; delebes, teluk; mla medebes; kidetii a besebes, kmidet a dait, kdetel a dait.

klidm: (*kl`idm*)

klidm a uldekial a iis me a ngor me a otangel me a mad, ungil a kldmel el ekebil, ungil a medal, klidmechur.

klidmechur: (*klidmech`ur*)

klidmechur a mad el chur; ocherechur; beruadel a di blechoel el klidmechur.

kliis: (*kl`iis*) (1)

kliis a mla mekiis; kliokl; debull a kliis, kiesii el mo delluchel, kmiis, mengiis, kisel a debull.

kliis: (*kl`iis*) (2)

kliis a kliokl; mla mekiis; nglai a chesimer, kmiis, kisel.

klikai: (*klik`ai*)

klikai a mla mekikai; klikai a meteu el toachel; koikai, kikiul a cheroid.

klikaid: (*klik`aid*)

klikaid a chelellakl el di kiei; smau el diak el longesuch; di klikaid er a blai.

klikes: (*kl`ikes*)

klikes a ta er a bedengel a udoud er a Belau.

klikiid: (*klik`iid*)

klikiid a beches; mekiid, diak el chelsechusem er a mekngit el omeruul; deledaes, klikiid er a ultelechakl, kikidii, kmikiid, kikidel.

klikingel: (*klikingel`el*)

klikingel a kngtil; kikiongel er ngii.

klikl: (*kl`ikl*)

klikl a mengelikl; mengelmolm; kileklii me ng ocherechur.

kliklechol: (*kliklech`ol*)

kliklechol a ta er a bedengel a ngikel.

klilt: (*kl`ilt*) (1)

klilt a ngklel a udoud er a Belau.

klilt: (*kl`ilt*) (2)

klilt a besichel a chim, kltel el olecholl; ng soak a klilt el kolt.

klimang: (*klim`ang*)

klimang a simang; ousimang, omkord er ngii; soal el moes el ungil; oumead, lad, klimelengel.

klimd: (*kl`imd*)

klimd a klmudel; delebes a cheiul; mla mekimd, kimdii, kuimd a cheiul, kemdel.

klimelengel: (*klimeleng`el*)

klimelengel a klimang er ngii, simang; ildingel; mead.

klimut: (*klim`ut*)

klimut a blitelek; telilech er a chutem; mla mekimut e le ng mechitechut; kimtengii a sechelil.

klingall: (*kling`all*)

klingall a kingall, ongedoel; omechell a klingall er a ulitech el dui; klingall er a olekang, klingellel.

klingel: (*kl`ingel*)

klingel a kikiongel.

klingellel: (*klingell`el*)

klingellel a klingall er ngii.

kliok: (*kli`ok*)

kliok a klard; mla mekiok; mekard, selechosech, mesechosech, kiikii a iedel, kiok a kukau; bobai a kliok er a charm, mengiok, kiikiel.

kliokl: (*kli`okl*)

kliokl a kliis el chutem.

kliou: (*kli`ou*)

kliou a olengel; kliou a umesingd el merkos el kall; delul; seboseb me a tuu a kliou.

kliriull: (*kliri`ull*)

kliriull a secherir a rebebil er a omechell.

klisem: (*kl`isem*)


klisem a ungil el chelduib; mla mekisem; delasech el mo meaiu; sumes a klisem er a ebakl el kim.

klisichel: (*klisich`el*)

klisichel a klisiich er ngii.



- klisiich:** (*klis`iich*)
klisiich a mesisiich; ulsemuul,
meses, meduch, rengeasek a olab
a klisiich.
- klisoks:** (*klis`oks*)
klisoks a blengkank; diak el mera
el cheliuaiu; uluil, klisoks a telitai
el diak loubar.
- klit:** (*kl`it*)
klit a mla mekit; ulet, blet a techel,
kmit, ulkel a klit me ng meringel,
kitir.
- klitechetul:** (*klitechet`ul*)
klitechetul a kiterul, klitechetul a
chim a mechitechut; katur.
- klitut:** (*klit`ut*)
klitut a blii a omeruul el kall me a
omeliokl; klaitut.
- kliu:** (*kl`iu*)
kliu a uchul me a rsel a orengodel
er a blai me a bai; chebaod er a
telia me a teliang; kliu a ikrel a blai.
- kliuar:** (*kliu`ar*)
kliuar a teletelel a kiuar; kleua
bkul el klalo, kahol a kliuar.
- kliues:** (*kliu`es*)
kliues a dengchokl el deleu a ochil
mei er a medal; koiues a ochil.
- kliung:** (*kli`ung*)
kliung a delengchokl; kiei, kiung,
kliung er a regebard er a Belau a
osekedid, otitechid e chobulid.
- kliungel:** (*kliung`el*)
kliungel a kliou er ngii.
- kliut:** (*kl`iut*)
kliut a mla mekiut; kluotel, nglaml
e rriik; mla mekedmokl el mo
mededaes; kiuetii a beluu, kmiut a
blai, kutel.
- klkul:** (*klk`ul*)
klkul a kluk er ngii; udoud er a Belau.
- kllaeb:** (*kl`aeb*)
kllaeb a rael er a chesel a mesei.
- kllebokel:** (*klleb`okel*)
kllebokel a klebokel; kllbekelel a
beluu; klungiolel, ungiyal, klllebokel
er a ekebil.
- kllel:** (*kl`el*)
kllel a kall el bla le kang.
- kllikl:** (*kl`ikl*)
kllikl a omenglikl; kileklii a
chebesal; kelliikl a ocherechur;
menglikl.
- kllolem:** (*kl`olem*)
kllolem a ochur el elolem (6);
kllolem el lius; kllolem el blai,
kllolem el bduu.
- kllool:** (*kl`ool*)
kllool a selalo; mla mesalo a
blungek; soleuii a ulleboel er a
mesei; smalo, mesalo er a mesei.
- klloolel:** (*kllool`el*)
klloolel a selalo er ngii; ngii a
silleuii; kllool.
- kllou:** (*kl`ou*)
kllou a kllungel; kllou er ngii; ng
ua ngera a kllou er a blim?
- kloulreng:** (*kloulr`eng*)
kloulreng a kllungel a reng; diak
el bechecherd a rengul; meoud el
ngmasech a rengul, kloulreng er a
Ngiraberuadel a omudech er a
cheldebechel.
- klulau:** (*klul`au*)
klulau a omengelulau;
mengelulau; kekerei el
omengedecheduch me lak el
rrenges a rechad; klou a klulau er
a kodellel a President Remeliik,
kolulau a berotel, kelulul.
- kllungel:** (*kllung`el*)
kllungel a kllou er ngii, klou.
- kllungiaol:** (*kllungi`aol*)
kllungiaol a klungiaol; lusech,
ungial a tekoi; mekomad a mle
uchul a betok el klungiaol er a
Belau, klungiolel.
- klmechel:** (*klmech`el*)
klmechel a klumech er ngii,
tekingel el lulsumech; mesumech a
tekoi.
- klmim:** (*klm`im*)
klmim a kengmil; mekemim er
ngii, klmim er a kall me a ilumel.



klmochel

klmochel: (*klm`ochel*)

klmochel a selumech; mla mesumech, sumechii a chedecholl, blerk; suumech a bar, smechel.

klmokm: (*klm`okm*)

klmokm a mla mekmokm; delebes er a uingel; teluk, kimekmii a besebes, kimokm a kebeas, kimekmel.

klmudel: (*klm`udel*)

klmudel a klimd.

klngos: (*klng`os*) (1)

klngos a mla mesengos; selngos, delebes, teluk el mekekerei e meliliut, sungesngii a ngikel, sungos a babii; sngesngel.

klngos: (*klng`os*) (2)

klngos a ngklel a llel a dekool el selngos; melamech a klngos.

klobak: (*klob`ak*) (1)

klobak a cheldellir a rubak; cheldellel a omerreder; klobak a kldibel el melib a kelulau.

klobak: (*klob`ak*) (2)

klobak a rebetok el mechuodel el sechal.

klochad: (*kloch`ad*)

klochad a ruchad; klauchad; ochad, rudos me a ruchererir; beltik el reng a obengkel a klochad.

klodam: (*klod`am*)

klodam a rekauchad el sechal; odam.

klodos: (*klod`os*)

klodos a rekauchad el redil; odos.

kloi: (*kl`oi*) (2)

kloi a blengkangk el diak a telil; mo er ker a beldokel? a bedengel a ulekoad a mo kloi er a bai.

kloi: (*kl`oi*) (1)

kloi a mla mekoi; kloi a bos; ng mla ngmasech er a meched; ngar er a koi, kmongii, kmoi, kongel.

kloias: (*kloi`as*) rrodel

kloias a mla mekoias; mla mukramek; ngar ngii a ramek; ulekramek, kmioias, mengoias, koiesengel a sers.

klok: (*kl`ok*) rrodel

klok a klalo el olecholt a taem.

klokkel: (*klokl`el*)

klokkel a klalo er ngii.

klom: (*kl`om*) (1)

klom a cheldingel er a ouach me a chim; klemngel a chemang me a rekung.

klom: (*kl`om*) (2)

klom a klemngel a buuch el orreked arodech; klom a teluk; mla mekom.

klom; (*kl`om*) (3)

klom a delebes; teluk, delebokl a chimal; klom a chimal.

klomengeiung: (*klomengei`ung*)

klomengeiung a omengeiung; mengeiung er a mlad; mengelim a chelebuul.

klomengelungel: (*klomengel`ungel*)

klomengelungel a omengol; blolobel, cheldebechel el dil el mo mengol er a ta er a beluu el melai a udoud el mei er a belurir; mengol a kedkad.

klongalek: (*klong`alek*)

klongalek a ongalek.

klool: (*kl`ool*)

klool a kirel el mesalo; ulleboel er a mesei a klool; mesalo, soleuii a ulleboel, smalo.

klort: (*kl`ort*)

klort a mla mekort; kortii a rael; kmort, mengort er a bebul, kertel a rael.

kloruikl: (*kloru`ikl*)

kloruikl a ta er a bedengel a udoud er a Belau.


klou: (*kl`ou*)

klou a diak le kekerei; babii a klou er a katuu.

klouadel: (*klou`adel*)

klouadel a deledaes; mla mesaod; selaod; cheldereder me ng medengei; smodii, smaod a tekoi, bleketakl a sodel.





- klouang:** (*klou`ang*)
klouang a ochur el euang (4);
klouang el lius; babii a klouang.
- klouechel:** (*klou`echel*)
klouecel a selauch; nglai, chad a
mla souchii a buchek; mla mesauch
a buuch; suchel.
- klsadel:** (*kls`adel*)
klsadel a ngesonges er a kirel el
ildois; ulengesonges; ngar er ngii a
dibus, mengesadel, kosedelii,
kosadel.
- klsai:** (*kls`ai*)
klsai a kesai; ngelsonges; klsai er a
rechad er a Belau.
- klsakl:** (*kls`akl*)
klsakl a ngar er ngii a telemall;
mla mekesakl? ke klsakl? tia ng klsakl?
- klsamd:** (*kls`amd*)
klsamd a mla mekesamd; nglai a
kesemdel.
- klsau:** (*kls`au*)
klsau a klaiuetoir; kausau,
cheliuau er a delongelel a sechal
me a dil; songel, mengemull,
ousau.
- klsbeached:** (*klsbe`ached*)
klsbeached ta er a bedengel a
kerrekar.
- klsbengel:** (*klsbeng`el*)
klsbengel a klsib er ngii, kesib.
- klsebuul:** (*klseb`uul*)
klsebuul a ta er a bedengel a ngikel.
- klsechal:** (*klsech`al*)
klsechal a ulsemuul er a tekoi el
sechal; meduch a rokui el ochotii a
klsechal er ngii.
- klsechedui:** (*klseched`ui*)
klsechedui a ta er a bedengel a
kerrekar.
- klsekang:** (*klsek`ang*)
klsekang a kesekang; melecha
cherchel a tekoi; mengesekang,
omesiich a cheldech duch.
- klsekesel:** (*klsekes`el*)
klsekesel a klsokes er ngii; mlai
er a daob.
- klseksel:** (*klseks`el*)
klseksel a klsekselel; klsous el
ngii a mlengsous.
- klsel:** (*kls`el*)
klsel a sils er ngii; belsechel, temel,
Sangdei a klsel a Rubak.
- klsemramr:** (*klsemr`amr*)
klsemramr a kerretal a medal; mla
mekesemrar; kosemremrii,
mengesemramr.
- klsegraol:** (*klsengr`aol*)
klsegraol a uldechuul el rodech;
klsegraol el lius a mekungit el kall.
- klsengsei:** (*klsengs`ei*)
klsengsei a osisechakl; chad el
olsisechakl; sensei (rrodol).
- klsesechebuul:** (*klsesecheb`uul*)
klsesechebuul a ko er a chebuul a
teletelel; ngar er iou a rengul; ko er
a tuboklnguches, ousesechebuul.
- klsib:** (*kls`ib*)
klsib a ralm el tuobed er a chad el
kesib; mengeald a bedengel, klsbengel.
- klsibai:** (*klsib`ai*)
klsibai a chad el ousibai; ngar er
ngii a mesiou er ngii; sibil.
- klsibelreng:** (*klsibelr`eng*)
klsibelreng a ngasechereng; kesib
a rengul; di kiei el di kerradel er a
klsibelreng.
- klsik:** (*kls`ik*)
klsik a chelduib; mla mecheduib,
itabori a klsik.
- klsobel:** (*kls`obel*)
klsobel a seleseb; mla meseseb;
delul, sosebii a ked, suseseb a sers;
sesebel.
- klsobeliall:** (*klsobeli`all*)
klsobeliall a mesobil; diak le bechiil.
- klsokes:** (*kls`okes*) (1)
klsokes a klekedall el oldak er a
mlai me a desomel; kingall e bliil a
klalo er a mlai er a daob.
- klsokes:** (*kls`okes*) (2)
klsokes a cheleched el mla
mekesokes; nglai a ngikel er ngii;
kesekesel.





ksoks

ksoks: (*ks`oks*)

ksoks a mla meksoks; ksoks el diokang, kiseksi, kisoks, kseksel.

ksoldau: (*ksold`au*) rrodel

ksoldau a soldau; rebuik a semeriar el mo er a ksoldau.

ksomel: (*ks`omel*)

ksomel a klisem.

ksous: (*ks`ous*)

ksous a ksoks; mla meksous er a ksous.

ksuk: (*ks`uk*)

ksuk a ta er a bedengel a udoud er a Belau.

ksus: (*ks`us*)

ksus a kekesus; ngeltel a sils el mo er a belsechel a cheliuiau.

ksuul: (*ks`uul*)

ksuul a diak el merang, blulak, mengesuul, kosuul, omulak.

kltalbeab: (*kltalbe`ab*)

kltalbeab a ta er a bedengel a rrull.

kltarreng: (*kltarr`eng*)

kltarreng a ta rengrir, kausechelei.

klteket: (*klt`eket*)

klteket a eoud; meoud; meketeket el mengiil; tia el klteket er kau.

kltekotel: (*kltek`otel*)

kltekotel a cheltekil; bereked er ngii, chelidobel; kltekotel er a til, orreked, kltekotel er a demal.

kltel: (*klt`el*)

kltel a klilt er ngii.

kltemengel: (*kltemeng`el*)

kltemengel a kltom er ngii; diak el kedorem; ketom.

kltiit: (*klt`iit*)

kltiit a mla meketiit; ileakl a ungil me a mekngit; kitiit, kitiit, kititel.

kltiu: (*klt`iu*)

kltiu a ochur el etiu (9); kltiu el kluk, kltiu el meradel, kltiu el iedel.

kltoktang: (*kltokt`ang*)

kltoktang a toktang; chad el omekungil e omkar a secher.

kltom: (*klt`om*)

kltom a ketom; kltemengel.

kltomelbut: (*kltomelb`ut*)

kltomelbut a ngar a sar el mo tutau; ngar a kemeldiil el mo tutau; kemanget el delengchokl; kelel a kltomebut.

kltukel: (*klt`ukel*)

kltukel a bleketakl; diak el berrotel, kltukel el ngii a tilemellii.

klub: (*kl`ub*)

klub a klbael; mla mekub, mengub a lius, teblo el kakub, remeloik a klbael; kuub a lius.

klubed: (*kl`ubed*)

klubed a kederang; taoch, siseball e tebedall er a mlai; Charekemais a klubed er a Oreor.

klubelel: (*klubele`el*)

klubelel a subelel; osubedereng, mla ngmai a klubelel er a usbechel a mekngit el kar me ng chelsimer er a kelebus.

kludel: (*kl`udel*)

kludel a ta er a bedengel a temekai.

kludem: (*kl`udem*)

kludem a kaiuekeed; mekudem, kudemii; kuudem, mekudem el dellomel

kluk: (*kl`uk*) (1)

kluk a ta er a bedengel a udoud er a Belau.

kluk: (*kl`uk*) (2)

kluk a mla mekuk; menguk a bedengel, kukur a otengel; mla kmuk a chimal.

kluk: (*kl`uk*) (3)

kluk a kukau el ngar er a chelsel a oruikl; seluk er a sualo; mla mesuk, kluk el kukau, sukur, smuk, skul a kukau.

klukl: (*kl`ukl*)

klukl a secher; rakd el oklukl, kleklel a smecher.

klukuk: (*kluk`uk*)

klukuk a sils el uriul er a chelechang; klukuk a Sebadong.



- klulaul:** (*klul`aul*)
klulaul a mesulaul; olengellokl,
mesululang, a leko di bo
lemechiuau; klululel.
- kluld:** (*kl`uld*)
kluld a mla mekuld er a kuk;
kmuld; ulsiu a kekul er a bedengel
a chad.
- klull:** (*kl`ull*)
klull a mla mekull; meteet a klull,
kullii, kmull a ilteet; mengull.
- klululel:** (*klulul`el*)
klululel a klulaul er ngii;
mesulaul.
- klum:** (*kl`um*)
klum a kall el ulekmark er a
chelsel a chutem; mengum, klum
el babii.
- klumech:** (*kl`umech*)
klumech a mesumech a tekoi el
mo er a cheroid; a ika klmechel el
eko er kau.
- klungang:** (*klung`ang*)
klungang a mla mo klou.
- klungiaol:** (*klungi`aol*)
klungiaol a lusech; melusech; ungil
el tekoi el duubech a klungiaol,
klungiolel.
- klungiolel:** (*klungiol`el*)
klungiolel a klungiaol er ngii;
ungil el kirel.
- kluoku:** (*klu`oku*).
kluoku a menguoku; olab er a
chimal; kiukuii a ngalek, kiukuel.
- klutel:** (*klu`otel*)
klutel a kliut; nglaml e rriik.
- klurs:** (*kl`urs*)
klurs a ultamet; mla mekurs;
motamet, kursii a ekil, kmurs a
chiul.
- klurt:** (*kl`urt*)
klurt a mekurt a rengul; nglai a
rengul er ngii; telemall a rengul me
ng seluld er ngii; kurtii a rengul er
a soal a mo cheroid er a soal ngii
me a rengul, telord, chelsngo; i;
kertel a reng.
- klusall:** (*klus`all*)
klusall a delongelel; delongelir;
omelengmes a tekoi a de ngar a
klusall er a buai.
- kmad:** (*km`ad*)
kmad a mengad; melai a mekoll er
a buld el mengoit; mla kmad a
cheremrum, kedil.
- kmai:** (*km`ai*)
kmai a cheled el kebliil er a chemang.
- kmaiu:** (*km`aiu*)
kmaiu a mengaiu; ousbech a
kaiu el melai a rodech; koiuii a
bobai; kmaiu a buuch, kiuel a
kebui.
- kmal:** (*km`al*)
kmal a olsiiich a tekoi; merang;
kmal di ungil, kmal soak, kmal uaisei.
- kmang:** (*km`ang*)
kmang a mla mekang; klang me ng
diak, kolii a odoim, kelel.
- kmard:** (*km`ard*) (1)
kmard a mekerkard; ultaut el ngau
a kmard, ngar er ngii a ngau,
kerdel a ngau.
- kmard:** (*km`ard*) (2)
kmard a mengard; mengiok,
klechosech, mla kmard a kall; beab
a mla kmard a kall; kordii, kerdel
a bobai.
- kmaud:** (*km`aud*)
kmaud a melenget; mengaud a
ralm, koudii a bong, kudel.
- kmeald:** (*kme`ald*)
kmeald a mengeald; meruul el mo
mekeald; koeald a ralm, kmeald a
kall, keldii, keldel a ralm.
- kmed:** (*km`ed*)
kmed a menged; locha er a bebul;
kmedii a babier er a tebel, kmed a
kall er a ulaol.
- kmedang:** (*kmed`ang*)
kmedang a mla mo kmeed; di kea
le cheroid.
- kmedii:** (*kmed`ii*)
kmedii a menged er ngii; nguu el
loia er a bebul.



kmedung

kmedung: (*kmed`ung*)

kmedung a kmedang.

kmeed: (*km`eed*)

kmeed a diak el cheroid; blik a kmeed er a skuul; kedel.

kmekas: (*kmek`as*)

kmekas a mengkas, kmekas a bedengel.

kmekumer: (*kmek`umer*)

kmekumer a ta er a bedengel a kerrekar.

kmeldii: (*kmeld`ii*)

kmeldii a mengeald er ngii.

kmer: (*km`er*)

kmer a oker, oker a betok el tekoi; mla kmer a tekoi, keril.

kmerd: (*km`erd*)

kmerd a metengel; kmerd er a skoki, kmerd er a bilas, kerdel er a skoki.

kmes: (*km`es*) (1)

kmes a diak el mimokl; diak le medidai; kmes a bilel, okes, kmes el oeacher; kesengel.

kmes: (*km`es*) (2)

kmes a menges, kmes a lius, kesil a ius.

kmes: (*km`es*) (3)

kmes a menges; meruul a kelel a klechedaol; kosir a kelel a cheldebechellek.

kmiai: (*kmi`ai*)

kmiai a mla mekiai; telkib el ngar er bab, kliai er a ulaol; kellael.

kmider: (*km`ider*)

kmider a melai el mo er a bab; mengider a kall; kiderii a odoim. kderel.

kmidet: (*km`idet*)

kmidet a mengidet; melebes, kmidet a llel a tuu, melobech, kdetel a llel a tuu.

kmiis: (*km`iis*)

kmiis a mengiis; kmiis a chutem el oba osib; kmiis a chesimer el oba a kiis.

kmit: (*km`it*)

kmit a mengit; omet; mesumech a mla kmit a meringel er a ulkek.

kmiut: (*kmi`ut*)

kmiut a mengiut; melaml e meriik; mengedmokl; kmiut a mekesokes; kutel, kiuutel.

kmo: (*km`o*) (1)

kmo a omko; kilo, kmo ke mlo er a skuul e ke merekong; kilo ke mlong.

kmo: (*km`o*) (2)

kmo a dmung; ke kmo ngerang? ke kmo kede mong?

kmoi: (*km`oi*)

kmoi a mengoi; olengasech er a klechutem, kmoi a mlai er a diangel, kmongii, kongel a mlai.

kmongii: (*kmong`ii*)

kmongii a mengoi er ngii.

kmort: (*km`ort*)

kmort a mengort; melai er a bebul, melai a leblebul; mengort a cheremrum; kortii, kertel a rael.

kmudel: (*km`udel*)

kmudel a kirel el mekimd; chiuk a kmudel; buuch a mla tuobed a bngal me ng kmudel; kirel el mekimd, kemdel.

kmuk: (*km`uk*)

kmuk a menguk; kmuk a otengel, kekul a otangel.

kmuld: (*km`uld*)

kmuld a menguld; kmuld a chim; osiu a kuk er ngii, menguld er a rengalek.

kmull: (*km`ull*)

kmull a mengull; a kedung a orrenge e ungil el kmull a llach; kmull a kuoll el sils.

kmurs: (*km`urs*)

kmurs a mengurs; otamet; kmurs a chui.


kmurt: (*km`urt*)

kmurt a mengurt a reng.

kngtil: (*kngt`il*)

kngtil a mekngit er ngii; chisingel a di mes a kngtil a tekoi, e mereched el mes a kngtil a chad.





- ko:** (*k`o*) (1)
ko a chelutel; ua ingii, chad er a Merikel e mengedecheduch el ko er a chad er a Belau.
- ko:** (*k`o*) (2)
ko a kemiu; ko mekerang? ko mo er ker e sechelei? ko mla mei!
- koad:** (*ko`ad*) (1)
koad a klakoad, okoad, kerrekeriil er a koad el chad.
- koad:** (*ko`ad*) (2)
koad a cheldechuul; kldachelbai, meduch er a koad er a urreor a di ochotii a medal e chibiokl; meduch er a kodil a mesaik, chodechulii el mo ourreor.
- kobekakl:** (*kobek`akl*)
kobekakl a mengebekakl; remuul el mo kebekakl, mo diak lobereod.
- kobeklii:** (*kobekl`ii*)
kobeklii a mengebekakl er ngii; rullii el mo kebekakl.
- kobengodel:** (*kobeng`odel*) (1)
kobengodel a kongesachel el chutem.
- kobengodel:** (*kobeng`odel*) (2)
kobengodel a blengodel a berius; kobengodel a daob, mesisiich a berius.
- kobesos:** (*kobes`os*)
kobesos a ta er a bedengel a ngikel.
- kobkab:** (*kobk`ab*)
kobkab a mengebkab; kobkab a medal a ngikel; otuu a cheldingel er ngii; kobkab a chimal a merechorech el olab a kebkab el deel; kebkebil.
- kobkall:** (*kobk`all*)
kobkall a mengebkall a tekoi; mengull, oldanges, kobkall a omerreder, kebkellet.
- kobkebir:** (*kobkeb`ir*)
kobkebir a mengebkab er ngii.
- kobkellii:** (*kobkell`ii*)
kobkellii a mengebkall er ngii.
- kobsii:** (*kobs`ii*)
kobsii a mengabs er ngii.
- kodall:** (*kod`all*) (1)
kodall a mo diak a klengar er ngii; mo diak a telil; mad, kodellel.
- kodall:** (*kod`all*) (2)
kodall a mo chetelaol; mad er a rrom; mad er a dinges; kodellel a meringel el urreor.
- kodeb:** (*kod`eb*)
kodeb a mengedeb; remuul el mo mekekedeb, kodeb a bail.
- kodebengii:** (*kodebeng`ii*)
kodebengii a mengedeb er ngii; mo kekedeb.
- kodebisech:** (*kodeb`isech*)
kodebisech a ta er a bedengel a kerrekar.
- kodekedii:** (*kodeked`ii*)
kodekedii a mengedoked er ngii; omoket, kedekedel a delibuk; melubet er a rengedel.
- kodellel:** (*kodell`el*)
kodellel a kodall er ngii; mad.
- kodellii:** (*kodell`ii*)
kodellii a mengedall er ngii; omesiur, orrael er ngii, kedellel.
- kodelsii:** (*kodels`ii*)
kodelsii a mengedols er ngii; rullii el mo klou; mo kedols, kodelsii a telil.
- kodenges:** (*kod`enges*)
kodenges a ta er a bedengel a kerrekar er a keburs.
- kodil:** (*kod`il*)
kodil a koad er ngii.
- kodir:** (*kod`ir*)
kodir a mengad er ngii; cheremrum.
- kodoked:** (*kod`oked*)
kodoked a mengedoked; kodoked a ochulel a idungel; kedekedel.
- kodols:** (*kod`ols*)
kodols a mengedols; menglou, kodols a buuch; mechei el mo mekedols.
- koeldii:** (*koeld`ii*)
koeldii a kmeldii; mengaald er ngii; keldel.





koesengall

koesengall: (*koeseng`all*)

koesengall a kirel el mekoeas;
locha ramek; koesengii, mengoeas
er ngii.

koesengel: (*koeseng`el*)

koesengel a koeas er ngii; remekel.

koesengii: (*koeseng`ii*)

koesengii a mengoeas er ngii.

kohi: (*koh`i*) rrodel

kohi a ilumel.

koi: (*k`oi*)

koi a ulach, kerrekar el kongel a
mlai me a bos.

koididai: (*koidid`ai*)

koididai a mengedidai; meleketek
el mo er bab; mengudel el mo
betok; mo kendidai, mla koididai a
chelechol, koididiur, kedidiul.

koididiur: (*koidid`iur*)

koididiur a mengedidai er ngii.

koiei: (*koi`ei*)

koiei a kiei; diak el loracl, kiung.

koiiir: (*ko`iir*)

koiiir a mengiai; olab er bab, kliai er
a bab, koiiir a telechull.

koikai: (*koik`ai*)

koikai a mengikai, kikiul a betok
el toachel.

koikiur: (*koiki`ur*)

koikiur a mengikai er ngii; mla
koikiur a Ngermechiuch.

koimtengii: (*koimteng`ii*)

koimtengii a medecheklii;
mengimut er ngii; mla koimtengii
a sechelil, kimtengel.

koimut: (*koim`ut*)

koimut a mengimut; mla koimut a
betok el babii; medechakl, mekoad.

koingar: (*koing`ar*)

koingar a mengingar; dengchokl er
a bebul; mla koingar a dellomel.

koingerir: (*koinger`ir*)

koingerir a mengingar; dengchokl
er ngii.

koiuii: (*koiu`ii*)

koiuii a mengaiu er ngii, mla
koiuii a buuch; kiuel a buuch.

koiul: (*koi`ul*)

koiul a keai er ngii;
mengchengchel.

kok: (*k`ok*)

kok a ta er a bedengel a ngikel el
suebek.

kokad: (*kok`ad*)

kokad a mengkad a blals, mla
kokad a belsel er a bank (rrodel).

kokar: (*kok`ar*)

kokar a mengkar; omecheliu, kokar
a blai, kokerengii a beluu;
kekerengel.

kokedeii: (*kokede`ii*)

kokedeii a mengkad er ngii;
kokedeii a belsel.

kokedeir: (*kokede`ir*)

kokedir a kokedeii.

kokelbetaot: (*kokelbet`aot*)

kokelbetaot a ta er a bedengel a
ngikel.

kokerei: (*koker`ei*)

kokerei a mengkekerei; remuul el
mo mekekerei.

kokerengii: (*kokereng`ii*)

kokerengii a mengkar er ngii;
kokerengii a ngalek; bilis a
sebechel el kokerengii a blai;
kekerengel.

kokeringii: (*kokering`ii*)

kokeringii a mengkekerei er ngii;
rullii el mo kekeriei.

kokesur: (*kokes`ur*)

kokesur a mengkas er ngii.

kokil: (*kok`il*)

kokil a mekokil; diak el
orrechd; kokil el merael.

kokom: (*kok`om*)

kokom a kekom; kekemngel a
chemang; kokemngel a rekung.

kokong: (*kok`ong*)

kokong a oltebetab a
cheldechedechal, oukokong a
loleko.

kolekel: (*kol`ekel*)

kolekel a remurt; rekebil a mla
kolekel er a klaidesachel.





- kolekelii:** (*kolekel`ii*)
kolekelii a diak el meterob;
melemolem el meruul er a soal.
- kolekeltii:** (*kolekelt`ii*)
kolekeltii a mengelekolt er ngii;
rullii el mo mekelkolt.
- kolekolt:** (*kolek`olt*)
kolekolt a mengelekolt; remuul el
mo mekelekolt.
- kolii:** (*kol`ii*)
kolii a mengang er ngii; mla kolii
a kall el rokir.
- kollil:** (*koll`il*)
kollil a ta er a bedengel a kerrekar.
- kolmelmii:** (*kolmelm`ii*)
kolmelmii a mengelmolem er ngii;
rullii el mo mekelmolm; menglikl.
- kolmolm:** (*kolm`olm*)
kolmolm a mengelmolem; remuul
el mo mekelmolm; kelmelmel.
- kolt:** (*k`olt*)
kolt a mengeldoch el bad, kolt el
klok.
- kolulau:** (*kolul`au*)
kolulau a mengelulau.
- kolulur:** (*kolul`ur*)
kolulur a mla mengelulau er ngii.
- komanget:** (*kom`anget*)
komanget a mengemanget; remuul
el mo mekemanget.
- komedii:** (*komed`ii*)
komedii a mengemed er ngii;
melabek, komedii a mechut el bail.
- komengetii:** (*komenget`ii*)
komengetii a rullii el mo
kekemanget.
- kometerkokl:** (*kometerk`okl*)
kometerkokl a keterekokl; di
dilubech el mereched;
bkaischemrungel; keterkokl el
kodall.
- komngii:** (*komng`ii*)
komngii a mengom er ngii;
melebes, meluk, komngii a buuch,
kemngel.
- komud:** (*kom`ud*)
komud a ta er a bedengel a ngikel.
- komunion:** (*komuni`on*) (rrodel).
komunion a Holy Comunion.
- kongall:** (*kong`all*)
kongall a kirel el mekoi; mo er a
koi; mlai a kongall.
- kongei:** (*kong`ei*)
kongei a nglai a kengei; mla
kongei.
- kongel:** (*kong`el*)
kongel a omengoi er ngii el mlai.
- kongesachel:** (*konges`achel*)
kongesachel a telkib el ngesachel;
kobengodel.
- kongro:** (*kongr`o*) (rrodel)
kongro a ingukl el oudungel a kerisil.
- koranges:** (*kor`anges*)
koranges a ta er a bedengel a
kerrekar.
- kordakl:** (*kord`akl*)
kordakl a mengerdakl; oldiu,
melekoi, kordakl a ngklel a chedul
a Belau, kerdekkel.
- kordang:** (*kord`ang*)
kordang a mla kmerd; korda er a
skoki, mla metengel.
- kordeklii:** (*kordekli`ii*)
kordeklii a mengerdakl er ngii;
oldiu el oleker; kerdekkel.
- kordii:** (*kord`ii*)
kordii a mengard er ngii; mengiok,
kerdel.
- kordung:** (*kord`ung*)
kordung a mochu imuul; kordu er
a skoki.
- koreel:** (*kor`eel*)
koreel a mengereel; mla koreel a
betok el ngikelkereel.
- korekarem:** (*korek`arem*)
korekarem a diak el medakd a
omelekoi; chad el di meruul a
ungil er a uldesuel.
- korekerii:** (*koreker`ii*)
korekerii a mengeroker er ngii;
nguu er a ollemelel, nguu el rokir.
- korelii:** (*korel`ii*)
korelii a mengereel er ngii; mla
korelii a temekai.





koremelii

koremelii: (*koremel`ii*)

koremelii a mengereomel er ngii;
koremelii a tebal a
Belau.

koreomel: (*kore`omel*)

koreomel a mengereomel a kall,
klalo me a udoud; diak el terrekaki
a usbechel a chutem; mengedmokl,
merau a mla koreomel a udoud,
keremelel.

koreuii: (*koreu`ii*)

koreuii a oungeroel e mengerar er
ngii.

koriiil: (*kor`iil*)

koriiil a mengeriil a blals; melai a
medal a bladoel; kerilel.

korilii: (*koril`ii*)

korilii a mengeriil er ngii; melai a
medal a ududel.

korir: (*kor`ir*)

korir a oker er ngii; korir a ngklel.

korkesengii: (*korkeseng`ii*)

korkesengii a oterekii a rengul;
choklii, mengerekes er ngii;
kerekesengel.

koroker: (*kor`oker*)

koroker a mengeroker; ngmai er a
uchul, ngmai er a ollemelel; mla
koroker a emull er a rael; kerekerel
a odoim er a olekang.

korrai: (*korr`ai*)

korrai a kirrai.

korrengii: (*korreng`ii*)

korrengii a mengerar er ngii;
mekrengii, chobechebelii, oterekii
a rengul.

korriu: (*korr`iu*) (1)

korriu a ta er a bedengel a
kerrekar.

korriu: (*korr`iu*) (2)

korriu a rakd el duub er a uchul a
ding el me bedul eou;.korriu a
chiklel.

kortall: (*kort`all*)

kortall a mengertall;
mengesemramr, katuu a mla
kortall a chimak.

korteketii: (*korteket`ii*)

korteketii a mengertoket er ngii;
korteketii a dengua; kerteketel.

kortellii: (*kortell`ii*)

kortellii a mengesemramr er ngii;
mengertall er ngii; katuu a mla
kortellii a ngalek.

kortii: (*kort`ii*)

kortii a mengort er ngii; mla kortii
a rael, kertel.

kortoket: (*kort`oket*)

kortoket a mengertoket; kortoket a
dengua.

kosadel: (*kos`adel*)

kosadel a mengesadel;
olngesonges, kosai, kom kosadel a
kall e le udoud a kesai, kosedelii,
kesedelel a kall.

kosai: (*kos`ai*)

kosai a kosadel; meruul el mo
kesai.

kosamd: (*kos`amd*)

kosamd a mengesamd; ngmai a
kesemdel.

kosebaki: (*koseb`aki*)

kosebaki a olekesebaki; ngar ngii
a kesebeklel; ngar ngii a ngerel,
kosebaki a belatong.

kosedelii: (*kosedel`ii*)

kosedelii a mengesadel er ngii;
rullii el mo ngesonges;
ongesengesii; kesedelel.

kosekedelang: (*kosekedel`ang*)

kosekedelang a mla mo kosekodel;
skuul a mesekedang, mla mo meseked.

kosekes: (*kosek`es*)

kosekes a telkib el kmes; kekmes,
diak el medidai, oecherel a
kosekes, kesengel.

kosekesengii: (*kosekeseng`ii*)

kosekesengii a mengesekes er ngii;
oba er a ouach; mla kosekesengii a
ngelekel; meririau er ngii.

kosekesii: (*kosekes`ii*)

kosekesii a mengesokes er ngii;
mla kosekesii a delebechel el meas,
kesekesel.

